



სსიპ გარემოს ეროვნული სააგენტო

ბაინდერებისა და საფონდო მასალების განსათავსებელი ჩასაშენებელი კარადების (CPV 39100000)
სახელმწიფო შესყიდვა თანმდევი მომსახურებით (მონტაჟით)

გამარტივებული ელექტრონული ტენდერი

სატენდერო დოკუმენტაცია

ქ. თბილისი 2014წ

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დოკუმენტაცია.....	4
3. სახელმწიფო შესყიდვის შესახებ ხელშეკრულების პროექტი	5
4. დამატებითი ინფორმაცია.....	9
5. დანართი N1 ტექნიკური დავალება	11
6. დანართი N2 რეკვიზიტები.....	14
7. დანართი N3 ფასების ცხრილი.....	15
8. დანართი N4 საგარანტიო ვადები და პირობები	16

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად

1.6 პრედენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1. შესყიდვის ობიექტის დასახელება და რაოდენობა: ბაინდერებისა და საფონდო მასალების განსათავსებელი ჩაშენებული კარადების სახელმწიფო შესყიდვა თანმდევი მომსახურებით (მონტაჟი, აწყობა) ტექნიკური დავალების დანართი N1-ისა და დანართი N5 -ის (ესკიზი) შესაბამისად.

2.1.1 შესყიდვის სავარაუდო ღირებულება: **33709.00 (ოცდაცამეტიათას შვიდაცხრა) ლარი დღგ-ს ჩათვლით.**

2.1.2 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით.

2.1.3 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარებში.

2.2 ანგარიშსწორების პირობები:

2.2.1 ანგარიშსწორება მოხდება უნაღდო ანგარიშსწორებით ლარში.

2.2.2 მიმწოდებელთან ანგარიშსწორება მოხდება მიღება-ჩაბარების აქტის გაფორმებისა და შესაბამისი საგადასახადო დოკუმენტაციის წარმოდგენიდან 10 (ათი) სამუშაო დღის ვადაში.

2.2.3 წინასწარი ანგარიშსწორება არ გამოიყენება.

2.3 მიწოდებისა და გარანტიის პირობები და ვადები:

2.3.1 მიწოდების ვადა: მიწოდება უნდა განხორციელდეს სახელმწიფო შესყიდვების შესახებ ხელშეკრულების გაფორმებიდან **5 (ხუთი) სამუშაო დღის ვადაში.**

2.3.2 მოწოდებულ საქონელზე ნორმალური ექსპლუატაციის პირობებში უნდა ვრცელდებოდეს მინიმუმ **1 (ერთი) წლიანი გარანტია.** მწყობრიდან გამოსვლის შემთხვევაში მიმწოდებელმა საკუთარი სახსრებით უნდა განახორციელოს შეკეთება ან შეცვლა ახალი ანალოგიური ან/და მსგავსი პარამეტრების საქონლით და გამართულად ფუნქციონირების უზრუნველყოფა შემსყიდველის მიერ ნებისმიერი სახით განხორციელებული შეტყობინების მიღებიდან გონივრულ ვადაში.

2.3.3. მიწოდების ადგილია ქ. თბილისი, დავით აღმაშენებლის გამზ. №150, სსიპ გარემოს ეროვნული სააგენტოს ადმინისტრაციული შენობა.

2.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) ტექნიკური დავალება დანართი №1 მიხედვით;

ბ) რეკვიზიტები დანართი №2 მიხედვით;

გ) ფასების ცხრილი დანართი №3 მიხედვით;

დ) საგარანტიო ვადები და პირობები დანართი №4 მიხედვით;

ე) გამოსაყენებელი მასალის ISO-9001 სერტიფიკატი .

სახელმწიფო შესყიდვის დაფინანსების წყარო: სსიპ გარემოს ეროვნული სააგენტოს 2014 წლის არასაბიუჯეტო სახსრები.

**სახელმწიფო შესყიდვის შესახებ
ხელშეკრულება №**

ქ.თბილისი

აგვისტო 2014 წელი

1. ხელშეკრულების დამდები მხარეები

ერთის მხრივ სსიპ „გარემოს ეროვნული სააგენტო“ (შემდგომში „შესყიდველი“), წარმოდგენილი მისი უფროსის ვლადიმერ ლაზარიშვილის სახით, და მეორეს მხრივ, --- (შემდგომში „მიმწოდებელი“), წარმოდგენილი მისი --- სახით, სახელმწიფო შესყიდვების შესახებ კანონისა და პრეტენდენტის სატენდერო წინადადების საფუძველზე, ელექტრონული ტენდერის შედეგების გათვალისწინებით, დებენ წინამდებარე ხელშეკრულებას შემდეგზე:

2. ხელშეკრულების საგანი

შესყიდველმა ჩაატარა ელექტრონული ტენდერი (SPA-----) სახელმწიფო შესყიდვაზე თანმდევი მომსახურებით, რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება, მიაწოდოს შესყიდველს წინამდებარე ხელშეკრულებით განსაზღვრული შესყიდვის ობიექტი ---- (----) ლარად დღგ-ს ჩათვლით.

3. ზოგადი დებულებანი:

- 3.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:
 - ა) წინამდებარე ხელშეკრულება;
 - ბ) ტექნიკური დავალება;
 - გ) პრეტენდენტის მიერ წარმოდგენილი სატენდერო წინადადება დამასზე თანდართული ყველა სხვა საჭირო დოკუმენტი;
 - დ) დაზუსტებული ან/და კორექტირებული სატენდერო წინადადება ან/და ფასების ცხრილი (ასეთის არსებობის შემთხვევაში);
 - ე) საგარანტიო ვადები და პირობები;
 - ვ) ხელშეკრულების ყველა სხვა დანართი ან/და მასში შემდგომში შეტანილი ნებისმიერი ცვლილება ან დამატება.
- 3.2. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას.
- 3.3. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

4. ხელშეკრულების ღირებულება

- 4.1. ხელშეკრულების ჯამური ღირებულება შეადგენს ---- (----) ლარს დღგ-ს ჩათვლით.
- 4.2. შესყიდვის ობიექტის ერთეულის ფასი შეადგენს -----
- 4.3. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.
- 4.4. მიმწოდებელი პასუხს აგებს შესყიდვის ობიექტის მიწოდებასთან დაკავშირებული ყველა იმ გადასახადის, მოსაკრებლისა და სხვა გადასახდელების გადახდაზე, რომლებიც გადასახდელია საქართველოს კანონმდებლობით.

- 4.5. ხელშეკრულებაში განსაზღვრული ფასის გადასინჯვა დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ამასთანავე დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა.
- 4.6. ფასების გადასინჯვის შესახებ ხელშეკრულების ინიციატორმა მხარემ უნდა შეატყობინოს მეორე მხარეს წერილობით, რომელიც, თავის მხრივ, უფლებამოსილია, არ დაეთანხმოს აღნიშნულ ცვლილებას.

5. მხარეთა უფლება-მოვალეობები

5.1. მიმწოდებელი ვალდებულია:

- 5.1.1. საკუთარი სახსრებით მიაწოდოს „შემსყიდველს“ შეთანხმებული ხარისხის, უფლებრივად და ნივთობრივად ნაკლის არმქონე საქონელი დანართი N-ის შესაბამისად და უზრუნველყოს თანმხლები დოკუმენტაციის წარდგენა;
- 5.1.2. დროულად განიხილოს ხელშეკრულების შესრულებასთან დაკავშირებული პრობლემები.
- 5.1.3. გასცეს გარანტია მის მიერ მიწოდებული შესყიდვის ობიექტის ხარისხსა და მოთხოვნილ პარამეტრებთან შესაბამისობაზე, ასევე შესაბამისობაში იქნება დანართ №1-ში მოყვანილ მაჩვენებლებთან და იქნება მოხმარებისთვის ვარგისი. წინააღმდეგ შემთხვევაში, იგი ვალდებულია 2 (ორი) საუშაო დღის ვადაში, საკუთარი სახსრებით თავად უზრუნველყოს საგარანტიო პერიოდში აღმოჩენილი ნებისმიერი ხარვეზისა (დეფექტის) და წუნდების აღმოფხვრა და ანალოგიური ახალი საქონლით ჩანაცვლება.
- 5.2. მიმწოდებელი უფლებამოსილია, მოითხოვოს ანგარიშსწორება ხელშეკრულებით გათვალისწინებული ვადებისა და პირობების შესაბამისად.
- 5.3. შემსყიდველი ვალდებულია:
- 5.3.1. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს მიწოდებული საქონლის ღირებულება და დაიცვას ხელშეკრულებით გათვალისწინებული ყველა პირობა.
- 5.4. შემსყიდველი უფლებამოსილია, აწარმოოს მიწოდებული პროდუქტის ხარისხისა და რაოდენობის კონტროლი;
- 5.5. უფლებამოსილია, განაცხადოს უარი უხარისხო საქონლის მიღებაზე.

6. ხელშეკრულების შესრულების კონტროლი

- 6.1. მიმწოდებლის მიერ ნაკისრი ვალდებულებების შესრულების მიზნით, ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს შესყიდვის ობიექტის მიწოდების ვადებსა და მოთხოვნილ პარამეტრებზე.
- 6.2. მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს უფლებამოსილი პირი.

7. შესყიდვის ობიექტის მიღება-ჩაბარების წესი

- 7.1. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან ეტაპობრივად, 5 (ხუთი) სამუშაო დღის განმავლობაში.
- 7.2. შესყიდვის ობიექტის (ან მისი ეტაპის) მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 7.3. შემსყიდველის მხრიდან ხელშეკრულებით გათვალისწინებული მიღება-ჩაბარების აქტზე ხელმომწერ პირს წარმოადგენს სსიპ „გარემოს ეროვნული სააგენტო“-ს უფლებამოსილი პირი.

8. საგარანტიო პირობები

- 8.1. საქონლის ტექნიკური მახასიათებლები და ხარისხი უნდა შეესაბამებოდეს ამ ხელშეკრულების ფასების ცხრილში (დანართი N3) აღნიშნულ მაჩვენებლებს.

- 8.2. მიწოდებულ საქონელზე საგარანტიო ვადის ათვლა იწყება საქონლის მიწოდების დღიდან და მოქმედებს დანართი N4-ში მითითებული ვადების განმავლობაში.
- 8.3. მიმწოდებელი იძლევა გარანტიას, რომ მის მიერ მიწოდებული და შემდგომში დამონტაჟებული საქონელი იქნება ახალი, მოხმარებისთვის ვარგისი, არ იქნება დაზიანებული (არ გამოავლენს ხარვეზებს) და შესაბამისობაში იქნება დანართი №1-ში მოყვანილ მაჩვენებლებთან. წინააღმდეგ შემთხვევაში იგი ვალდებულია, საკუთარი სახსრებით თავად უზრუნველყოს საგარანტიო პერიოდში აღმოჩენილი ნებისმიერი ხარვეზის (დეფექტის), ასევე უხარისხოდ გაწეული მომსახურების შედეგად, როგორც მომსახურების გაწევის დროს, ასევე საგარანტიო პერიოდში გამოვლენილი ნებისმიერი სხვა ზიანის აღმოფხვრა ან/და წუნდებული ან/და დანართი №1-ში მოყვანილ ტექნიკურ-ხარისხობრივ მაჩვენებლებთან შეუსაბამობაში მოსული საქონლის შეცვლა ახლით დანართი N4-ში მოცემული პირობებისა და ვადების შესაბამისად.

9. ანგარიშსწორება

- 9.1. ანგარიშსწორება განხორციელდება ეროვნულ ვალუტაში - ლარებში, უნაღდო წესით მიმწოდებლის საბანკო ანგარიშზე.
- 9.2. ანგარიშსწორება განხორციელდება მხარეთა შორის მიღება-ჩაბარების აქტის გაფორმებისა და მიმწოდებლის მიერ შესაბამისი საგადასახადო დოკუმენტაციის წარმოდგენიდან 10 (ათი) სამუშაო დღის ვადაში, ფაქტიურად მიწოდებული საქონლის და გაწეული თანმდევი მომსახურების შესაბამისად.
- 9.3. წინასწარი ანგარიშსწორება (ავანსი) არ გამოიყენება.
- 9.4. სახელმწიფო შესყიდვის დაფინანსების წყარო: სსიპ გარემოს ეროვნული სააგენტოს 2014 წლის არასაბიუჯეტო სახსრები.

10. ფორს-მაჟორი

- 10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან ვალდებულებების შეუსრულებლობა არის ფორს-მაჟორული გარემოებების შედეგი;
- 10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული მხარეების შეცდომასა და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;
- 10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა პასუხისმგებლობა ხელშეკრულების პირობების შეუსრულებლობისას

- 11.1. ფორს-მაჟორული გარემოებების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას პირგასამტეხლო შეადგენს ვალდებულების შეუსრულებელი ნაწილის 0.1%-ს, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით ან მის მიერ ამ თანხის გადახდით შემსყიდველის წერილობითი მოთხოვნის მიღებიდან 5 (ხუთი) სამუშაო დღის განმავლობაში.
- 11.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 11.3. გადახდის ვადის გადაცილების შემთხვევაში, მიმწოდებელი უფლებამოსილია, დააკისროს შემსყიდველს პირგასამტეხლო, ყოველ გადაგადაცილებულ დღეზე გადაუხდელი თანხის 0,1 %-ის ოდენობით.

11.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

12. დავა და მათი გადაწყვეტის წესი

- 12.1. ხელშეკრულების შესრულებისას მხარეთა შორის წამოჭრილი ნებისმიერი დავა ან უთანხმოება შესაძლებელია, გადაწყდეს ორივე მხარის ერთობლივი მოლაპარაკების საფუძველზე.
- 12.2. ასეთი მოლაპარაკების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

13. ხელშეკრულების მოქმედების ვადა

- 13.1. ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 2014 წლის --- ----, გარდა ამ ხელშეკრულების მე-8 მუხლის 8.2. პუნქტისა.
- 13.2. ამ ხელშეკრულების მე-8 მუხლის 8.2 პუნქტი ძალაშია ხელმოწერის თარიღიდან და მოქმედებს საქონლის საგარანტიო ვადის განმავლობაში.

14. დასკვნითი დებულებანი

- 14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;
- 14.2. ხელშეკრულება შედგენილია ქართულ ენაზე თანაბარი იურიდიული ძალის მქონე სამ ეგზემპლარად, რომელთაგან ერთი ეგზემპლარი ინახება მიმწოდებელთან და ორი ეგზემპლარი - შემსყიდველთან.
- 14.3. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 14.4. წინამდებარე ხელშეკრულების ნებისმიერი ცვლილება ან დამატება ძალაში შედის მხოლოდ მისი წერილობით გაფორმებისა და მხარეთა მიერ ხელმოწერის მომენტიდან.

15. მხარეთა რეკვიზიტები:

შემსყიდველი

მიმწოდებელი

ინფორმაცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება “სახელმწიფო შესყიდვების შესახებ” საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” №9 ბრძანების შესაბამისად. ინსტრუქტაჟი შესაძლებელი ასევე იხილოთ <http://procurement.gov.ge/>

დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან: სსიპ გარემოს ეროვნული სააგენტოს ადმინისტრაციული დეპარტამენტის მატერიალურ ტექნიკური უზრუნველყოფის სამმართველოს წამყვანი სპეციალისტი ზაზა დვალაძე; მისამართი: ქ. თბილისი, დავით აღმაშენებლის გამზირი #150; ტელ: +995 32243 95 45; ელ.ფოსტა: g.dolidze@nea.gov.ge

სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა: ტენდერისთვის „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

ტექნიკური დავალება

№	დასახელება	გამოსაყენებელი მასალის მახასიათებლები	გამზომილების ერთეული	რაოდენობა
1	სსიპ გარემოს ეროვნული სააგენტოს ადმინისტრაციული ოფისის მე-9 სართულისათვის ბაინდერებისა და საფონდო მასალების განსათავსებელი ჩაშენებული კარადა	ბაინდერებისა და საფონდო მასალების შესანახ ჩაშენებულ კარადას უნდა გააჩნდეს კარებები მეტალის სახელურებით, შიდა თაროებს შორის დაშორება, ბაინდერების განსათავსებელი სივრცე უნდა იყოს 45 სმ. კარადის სიღრმე დაკონკრეტდება თითოეული კონკრეტული ერთეულისათვის განსათავსებელი საოფისე ფართიდან გამომდინარე და იგი მერყეობს - 50 სმ-დან 80 სმ-მდე. სიგანე და სიმაღლე კონკრეტული ერთეულისათვის შეირჩევა შემსყიდველის მიერ გამომდინარე განსათავსებელი საოფისე ფართიდან. წიბოს სისქე უნდა იყოს 1,8 სმ და უნდა იყოს პლასმასის ლენტით დაწიბოვებული („დაკრონკილი“). მასალად უნდა იყოს გამოყენებული მერქანზურბუმელოვანი ფილა და იგი უნდა აკმაყოფილებდეს ISO 9001 სტანდარტს. კარადის ფერი და მასალა აუცილებლად უნდა შეთანხმდეს შემსყიდველთან.	კვ/მ	84
2	სსიპ გარემოს ეროვნული სააგენტოს ადმინისტრაციული ოფისის მე-11 სართულისათვის ბაინდერებისა და საფონდო მასალების განსათავსებელი ჩაშენებული კარადა	ბაინდერებისა და საფონდო მასალების შესანახ ჩაშენებულ კარადას უნდა გააჩნდეს კარებები მეტალის სახელურებით, შიდა თაროებს შორის დაშორება, ბაინდერების განსათავსებელი სივრცე უნდა იყოს 45 სმ. კარადის სიღრმე დაკონკრეტდება თითოეული კონკრეტული ერთეულისათვის განსათავსებელი საოფისე ფართიდან გამომდინარე და იგი მერყეობს - 50 სმ-დან 80 სმ-მდე. სიგანე და სიმაღლე კონკრეტული ერთეულისათვის შეირჩევა შემსყიდველის მიერ გამომდინარე განსათავსებელი საოფისე ფართიდან. წიბოს სისქე უნდა იყოს 1,8 სმ და უნდა იყოს პლასმასის ლენტით დაწიბოვებული („დაკრონკილი“). მასალად უნდა იყოს გამოყენებული მერქანზურბუმელოვანი ფილა და იგი უნდა აკმაყოფილებდეს ISO 9001 სტანდარტს. კარადის ფერი და მასალა აუცილებლად უნდა შეთანხმდეს შემსყიდველთან.	კვ/მ	111

შენიშვნა:

- კარადების ფერი და ზუსტი ზომები შეთანხმდება დამზადების მომენტში, გამარჯვებულ პრეტენდენტთან;
- კარადების სიღრმე მერყეობს და არის არანაკლებ 50 სმ და არაუმეტეს 80 სმ განთავსების ადგილიდან გამომდინარე.
- საქონლის ტიპი და ვიზუალურ -ტექნიკური მახასიათებლები (ხარისხი, ფაქტურა, ფერი, ზომები და სხვა) უნდა შეთანხმდეს შემსყიდველთან.
- ყველგან სადაც მითითებულია სასაქონლო ნიშანი, მოდელი, წარმოშობის წყარო ან მწარმოებელი იგულისხმება „მსგავსი“ ან „ექვივალენტური“;
- ავეჯი უნდა იყოს მოდულირებული კონსტრუქციის და შესაძლებელი იყოს მისი არაერთჯერადი მარტივად დაშლა-აწყობა.

აუცილებელი პირობა:

- მიმწოდებელმა საკუთარი ხარჯებით უნდა უზრუნველყოს მოთხოვნილი რაოდენობის საქონლის მიწოდება და ადგილზე მონტაჟი;
- კარადის ყველა კარს უნდა ქონდეს ინდივიდუალური საკეტი

რ ე კ ვ ი ზ ი ტ ე ბ ი

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

პრეტენდენტის ხელმოწერა _____

ბ.ა

/ხელმძღვანელის სახელი, გვარი /

ფასების ცხრილი

პრეტენდენტის დასახელება _____

საქონლის დასახელება	საქონლის ძირითადი მახასიათებლები	მწარმოებლის დასახელება და მოდელი	წარმოშობის ქვეყანა	რაოდენობა	ერთეულის ფასი	საერთო ღირებულება	მიწოდების ვადა	მიწოდების ადგილი
1	2	3	4	5	6	7	8	9

პრეტენდენტის ხელმოწერა _____

ბ.ა. /ხელმომწერის სახელი, გვარი /

საგარანტიო ვადები და პირობები

ჩვენს მიერ მიწოდებულ საქონელზე, ნორმალური ექსპლუატაციის პირობებში, ვავრცელებთ სრულფასოვანი ფუნქციონირების გარანტიას ---- წლის ვადით. ამ ვადაში გამოვლენილ ნებისმიერ ნაკლს/დეფექტს აღმოვფხვრით საკუთარი ხარჯით.

პრეტენდენტის ხელმოწერა -----

ბ.ა

/ხელმომწერის სახელი, გვარი/

